



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

XI. Secundum argumentum.

urn:nbn:de:hbz:466:1-16260

PROPOSITIO IX.

375

νηλ ἀγελούματος, ἀρδὴ τέσσαρος, οὐδὲντος αὐτὸν αὐτοῦ τῷ τρόπῳ, τὸν σωμῆν πάντας ἔλεγον ἀσθενός, ἀναγκαῖος περιεργόντας δὲ τὰ διὰ τὸ μετελίμων σωματόδημα ἐν-
Sciendum est enim Ebraos, ad Lunæ cursum annum ordinantes, undecim dies superficies facere, quos nos etiam intercalares appellamus. Nam Lunæ cursus intra viginti novem dies & horas sex absolvitur. Sic autem numerantes, trecentorum quinquaginta quatuor die- rum annum faciunt. Cum ergo sanctus Archangelus beatum Danielem, virum Ebraeum aliquem, ipsiusque docens annorum numerum, usitatum annum omnino significaret, necessario addendi sunt anni ex intercalariis collecti. Atque ex Lunæ cursu tempora sua descripsisse vul-
gus Ebraeorum eo credibilius est, quod à finitimis gentibus idem factitatum vide-
bant. Phoenix enim, Madianitas, Arabes, aliaque Lunæ cultui impense de-
ditas Orientis gentes, anni formam juxta ejus cursum crediderim digessisse.

XI. Alterum, quo sententiam nostram oppugnat Scaliger, telum hoc est: per-
peram ab ejus Regis temporibus septuaginta hebdomadum duci initium, cuius toto
tempore cessavit ædificatio; quod plane, inquit, est dicere Esdras falli aut mentiri,
(adit verbis reverentia) cuius quarto capite legimus, Artaxerxis edito iussos Prä-
fectos, darent operam ne Hierosolyma à Judæis instauraretur, tanta alacritate rem
præficiisse, ut templi exstruxisse ad annum secundum. Darii intermitteretur. Gesta
hæc esse fatemur, falli vero Esdras, aut mentiri, nec dicimus, nec dicimus volumus. DI
meliora piis. Artaxerxem hunc esse Longimanum, id vero pernegamus. Confu-
tor Interpretes, quorum alii Cyrum, alii Cambyensem esse putant.

XII. Postremum hoc nobis objici potest, pugnare doctrinam nostram cum ipsis Angelii ad Danielem verbis: *Et in dimidio hebdomadis deficit hostia & sacrificium; qui bus significatur in dimidio septuaginta hebdomadis letho datum in Christum: nos vero, non in dimidio postremæ hujus hebdomadis, quartum videlicet annum, sed in quintum conjicerem mortem Christi. Hujus argumenti facilis depulsio est: nam quod vertit Vulgatus Interpres, *Et in dimidio*, Ebraice scriptum est, יננ, à verbo יננ, divisi, distribuit in duas partes, five æquales illa sint, five non sint. Sic decimo sexto capite tertii Regum: *Tunc divisus est populus Israel in duas partes*, יננ. In hac di-
visione qui accuratam partium æqualitatem quæsiverit, halucinabitur. Inde sit ut Interpretes quidam, non tempus inter partes duas æquales medium hic significa-
tum velint, sed alteram è dimidiis partibus, qua se circumagente Christus obi-
turus sit.*

XIII. Perroganda nobis deinceps superfluit Judæorum sententia; quod prius-
quam facere ingrediamur, ut facilior earum confutatio sit, in Domino Iesu eventum
habuisse hoc Danielis oraculum probabimus. Ubicunque enim septuaginta putanda-
rum hebdomadum ponas initium, plane elapsas eas esse necesse est. Atqui exactis iis
ungi debuit Sanctus sanctorum, nasci Christus, & occidi. Ergo unctum esse San-
ctum sanctorum, natum & occisum Christum fatendum est. Hoc deinde occiso dirui
debuerunt Templum & Urbs. Atqui hæc diruta sunt. Ergo ille occisus est. Præterea in
dimidio postrema hebdomadis abrogari debuerunt sacrificia & veteris Legis ceri-
moniae. Atqui abrogata ea sunt. Ergo postrema hebdomadas præteriit. Ad hæc se-
ptuaginta hebdomadibus hic præstitus est finis, ut obliterentur delicta hominum,
ut æterna adducatur iustitia, & ut compleantur vaticinia Prophetarum. Atqui hæc
in Christo naœ esse exitum partim demonstravimus supra, partim demonstratur su-
mus. Ergo venit Christus. Adversus ea nulla valere potest exceptio. Itaque apud
Hieronymum sic disserit Africanus: *Nulli dubium, quin de adventu Christi predictio* Hier. in Dan.
fit, qui post septuaginta hebdomadas mundo apparuit, post quem consummata sunt delicta, & 9.
finem accepit peccatum, & deleta est iniurias, & annuntiata iustitia sempiterna, que Legis
*iustitiam vincet, & impleta est visio & prophetia. Primores quidem Rabbinorum ad Chri-
stum pertinere hoc Gabrielis oraculum haudquaquam sunt initiati: non R. Bara-
chias in Berefith Rabba; non R. Moses ben Nachman in Danielem; non is R. Sa-
muel, cuius epistolam ad R. Isaac exhibet Dionysius Carthusianus. Verum quo li-
quidius appareat, recte id eos, atque item Christianos, meritoque sentire, singulas
hujus predicti partes attentius paulo perlustramus. Septuaginta hebdomades abbreviate* Dan. 9. 24.
sunt super populum tuum, & super Urbem sanctam tuam, ut consummetur prevaricatio, &
finem accepit peccatum, & deletatur iniurias, & adducatur iustitia sempiterna, & impleatur
*visio & prophetia, & ungatur Sanctus sanctorum. Noxas hominum eluere, eosque redi-
mere, præcipuum fore Christi munus Prophetæ omnes uno ore cecinerunt, atque*
id in Iesu completum fuisse manifesto docebimus infra ex Evangelio. Præclarum hoc
*Isaie: *Spiritus Domini super me, eo quod unxit Dominus me: ad annuntiandum mansue-** Isa. 61. 1. & seq.
tis misit me, ut mederer contritis corde, & predicarem captiuis indulgentiam, & clausis
apertioriis, ut predicarem annum placabilem Domino. Utrobique prædictur Unctus, five

Secundum
argumentum
Scalig. Proleg.
De emendat.
temp.

Tertium ar-
gumentum.
Dan. 9. 27.

Ad viam re-
futationi Ju-
deorum fer-
nendam, offe-
dirur in Iesu
completum
esse hoc ordi-
natum.